



امور داخلیه

حضرت شاهانه دن لطفا و احسانا حق بندکانه بو وجهله اظهار بیوریش
اولان روی التفات عالینک مشاهده سیله سیمای احوال بندکانه رونما اولان
کمال بشاشت و مفخرت جلوه نمای مریای بداهت اوله رق مشایخ سعیدیه دن
حصیری زاده سلیمان صدیق افندی بالصدق والاخلاص دعای بقای
بحر ودولت و اقبال و ثنای توافر شان واجلال ملوکانه بی ادبانه شیخ مومی الیه
فراجه اکسا و موزیکه چالندرق مریسم شادی و سرور اجرا و مشارالیه
وصاف افندی حضرتلری دائره سنیة حضرت صدرعالیده بر مقدار توقف ایله
قهوه و شربت رسملری دخی ایضا اولندقدن صکره سنک رکابده جانب معالی
مناقب صدارتینده کشیده قلنسان مزین اسبیه سوار ایله عودت
ایلش لر در

اناطولی قاضی عسکری یوسف پاشا زاده محمد نظیف بک افندی حضرتلرینک عفت
و درایت و جاه جلیل مذ کورده ظهوره کلان صدق و استقامت لری محظوظیت
حضرت شهنشاهی بی مستوجب اولوب اشوب جادی اولوی غایتده ختامه
رسیده اوله جق مدت معینه رینه درت ماه مد و عواطف شامله العوارف
حضرت شاهانه دن شهر مزبورک اوچینی کونشدن اعتبارا صدارت
روم ایلی رتبه جلیله سی احسان وینه یوم مذ کوردن اعتبارا مکة مکرمه
پایه لورندن سابقا خواص رفیعیه قاضی عمر اغا زاده محمد توفیق بک
افندی به اسلامبول پایه سی و مشایخ فضلای موالی فخرامدن سلیقه بروسه
قاضی کتخدا زاده محمد عارف افندی به کذلک یوم مزبور دن اعتبارا
مکة مکرمه پایه سی توجیه بیوریه رق هر بری لطف و التفات شاهانه ایله
مسرور و شادان بیورلشدر

ذخیره ناظری بولسان رجال دولت علیه دن سعادت لوهادی افندی حضرتلری
مقتضای مأموریتی اوزره نظارت مذ کوره مصالحت اداره و تسویه سنه
صرف اعتنا و دقت ایتکده ایسه ده ذخایر لازمک وقت و زمانیه در سعاده
جلب و تدارک و تلفدن حفظ و وقایه سی ایله سکنة دار السلطنة السنیة نک
ذخیره ماده سنده زجت چکما لری مراد هر جت اعتیاد شاهانه اولدیغنه
و بوم مقصودک دلخواه عالی و جهله حصولی ذخایر مصلحت و قوف تامه سی
اولان بر ذلک مأموریتی لازم کلدیکنه بناء ذخیره ناظری سابق سعادت لوجی
ولی اغا مدت مدیده ذخیره مصلحتی ایچنده بولنش و نظارت مذ کوره ده دخی
قوللانش اولدیغندن هر وجهله تحصیل معلومات ایتش اولسی جهله
قریحه مکارم صریحه حضرت شاهانه دن اغای مومی الیه ذخیره ناظری
نصب و تعیین اولنسی خصوصیه اراده سنیة جناب ملوکانه شرف افزای
سنوح و صدور بیورلش و موجبه اغای مومی الیه نظارت مذ کوره توجیه
واجرا و اقتضا ایدن خلعتی اکسا اولنشدن

مصر والیسی دولتلو محمد علی پاشا حضرتلرینک قیو کتخداتی خدمتده
بولسان کاغذی زاده مصطفی نظیف افندینک بوندن اقدام وفات ایتش اولسی
جهتیه والی مشارالیه حضرتلرینه برینک قیو کتخداسی نصب و تعیین
لازم کیش اولدیغندن متوفای مومی الیهک سایه عنایتویه حضرت شاهانه ده
شمع خاندانی اشعه الطاف سنیة جناب پادشاهی ایله از سرنو فروزان
اولسی اراده سبیل متوفای مومی الیهک نخدومی اسماعیل مفید بک قیو
کتخداسی نصی شان مکارم نشان حضرت ملوکانه اقتضاسدن کورنمش

شیمه جلیله کمال بنده نوازی حضرت شهنشاهی مقتضاسدن ناشی کافه
بندکان حقارنده هر در او لطف و التفات و عنایات مکارم غایات جناب ملوکانه
شایان و ارزان بیورلقد اولدیغندن بودفعه صنوف عسا کر نظامیه شاهانه به
باعث افتخار و سبب شوق و مسارا و ملق اوزره احسان بیورلدیغی مثللو بالجهله
باب عالی بندکانه دخی مستلزم کمال مباهات و استبشار اولق اراده التفات عاده سیله
جلا بخش اینده لطافت و فروغ افزای باصره مفخرت اولان بر قطعه
تصویر همایون محاسن نمون جناب شهریاری احسان بیوریه جغی بر قاج کون اولجه
اخبار قلمش والای ترتیه قیام و مبادرت اولنش اولدیغندن اشوب جادی اولینک
اوچینی صالی کونی قرنای حضرت ملوکانه دن مابین همایون فیض مشحون
شاهانه خدمت کتبت مستوجب المفخرتیه مشرف و مباهی عظوفتلو و صاف
افندی حضرتلری و ساطتیه ارسانه امر و اراده بیوریه رق یوم مذ کورده
ارباب الایک جله سی الثواب رسمیه و نشان ذیشانلریله بانچه قیوسنه مجتمع اوله رق
افندی مشارالیه حضرتلری محل مذ کوره وصولنده حامل اولدیغی تصویر
همایون مهر نمون شاهانه بی فیطون درونته وضع ایله ابتدا تشریفات همایون
مأمور لری و بعده ابدیه خاصه خلقتی و بعده ذخیره خزینه سی و حریه
و طوبخانه و اوقاف همایون و حرمین شریفین خزینه لری مأمور لری افندیلر
و بعده دفترخانه و ترسانه عامره و باب دفتری و ضر بنخانه عامره مأمور لری
و بعده فسخانه و مصرف و باب سر عسکری و منصوره خزینه سی مأمور لری
و بعده باب عالی مأمور لری افندیلر و اندن صکره رتبه رابعده بولسان افندیلر
و بعده سر بوابین رکاب همایون اغار و بعده رتبه ثانیته بولسان افندیلر
و بعده میراخور و کتخدای بوابین حضرت شهریاری بکر و اندن صکره
رتبه ثانیته اصحابندن اولان ذوات و بعده منصوره و ضر بنخانه عامره و دفتر دار لری
مشیران بنام عظوفتلو افندیلر حضراتی و بعده امور ملکیه و خارجییه
نظارت جلیله لنده بولسان مشیران معالی عنوان حضراتی و بعده فیطون
همایون اوکنده قواسان صدر عالی و عسا کر منصوره چاوشانی و ملازم لری
و یوزباشی و قول اغاری و یکباشی اغار و فیطون همایوندن صکره مشارالیه
وصاف افندی حضرتلری و بعده تلخیصی اغار و کدکلوزما مختار لریله
کدکلوزما اغار و بعده سواری عسا کر منصوره ضابطانی و بعده
پیاده عسا کر منصوره نقراتی علی الترتیب الای والای ایله ذکر اولنسان بانچه
قیوسندن استقبال و خواجه پاشادن جغاله سر ایندن و قبالی فرندن دیوان بولنه
چیقله رق صوغوق چشمه پیشکاهندن باب عالی به ایصال برله طرف والای
سیر عسکریدن مأمور و تعیین قلنسان عسا کر منصوره شاهانه ابکی طرفلی
ابستاده موفق سلام و درون باب عالی به صف بستن نظام ثریا انتظام اولان
بر طابور عسا کر منصوره ضابطان و نقراتی و خدمه ساره هر کز سلامده
قیام ایله سنک رکاب کاندکده ذات والای حضرت صدر اعظمی و مشیران
ایمت عنوان مشارالیه حضراتی تصویر همایونی فیطوندن اخراج و دیوانخانه
عالیده واقع مقدمه تنظیم اولنسان جای والایه وضع و تعلیق اولنوب طرف اشرف



ووالی مشار الیه حضرت نوری طرفین دخی بود دفعه نیاز و التماس اولمش
اولد یغندن شرفسون و صدور بیوریلان اراده سینه حضرت جهان بابی
مقتضای منبی اوزره میرموی الیه باب عالی به جلب الیه عواطف عدیه
شاهانه دن عهده سینه مجددا دیوان همایون خواجه لکی توجیه ووالی
مشار الیه الیه محمد و ملری عطوفتو ابراهیم پاشا حضرت نرینه قبول کتخداسی
نصب و اجرا و خدمت لازمه سی اکسا قلمشدر

مکه مکرمه قاضیسی نصب و تعیین اولشان متوفی و اصف افندی زاده
لیب افندی ارباب سخن و معارفدن اوله رق مسرات واقعه و آثار و مبرات
حضرت شاهانه ضمیمه کمال صدق و اخلاص داعیانہ سندن ناشی تواریح
وقضاید انشادیه مدایح سینه جناب ملوکانه بی نقش صدیقه افتخار ایتمکده
اولد یغنه و کندوسی دخی اصدقای دعا کویان حضرت شهنشاهیدن
ایدوکنه بناء صوب مقصوده مہنی عزیمت اولد یغنی حاله حقنہ لوا مع
جوهر بی بہای لطف و احسان جهان بابی فروغ افشان و حضور معالی و فور
خلافتیاهی به دخول شرفیله مسرور الجنان و افندی موی الیہ
باصره پیرای ابتهاج و افتخاری اولق اوزره کندوسنه برقطعه جوهر قوطی
عنایت و احسان بیوریشدر

حضرت ابو ایوب الانصاری رضی عنہ ربه الباری جامع شریفی امام اولی
وسلطان احمد خان جامع جلیلی جمعه واعظی اولان رئیس الاقرا و فحیہ
اجلہ صلحا الشیخ الحاج عبدہ افندی کیچن شهر ربيع الاخرک یدینی مبارک
خجس کونی جوار رحمت رحمانہ انتقال ایلمکده نمازی جم غفیر علما و صلحا
جامع شریف مذکورده حاضر اولوب ادا ایلد کاردن صکره مرحوم
موی الیه حیاتنده اعداد ایلد یکی جوار زبہ شریفه ده کی قبرده دفین لحد
غفران اولشدر مرحوم موی الیه جامع اشات علوم و قدوة اصحاب فہوم
اولد قلزیدن تقدینہ عمر عزیزین نشر علوم نافعیہ و عمر تاپیدن عبارت اولان
آثار خیریه علیہ بدل و صرف ایدوب ان آثارنا ندل علینا قولنی تأیید ایلمش
صاحب سلوک بر ذات کرامت صفات ایدوکی مسلم و مقبول ارباب قبول
اولان السنہ متنوعده تألیفات عدیده سی برهان کافدر جلد دن بری
الحالہ ہذہ خط دستیلہ اخلافک نزدندہ زیور صندوق تبرک اولان
تألیفاتندن الوامع الدر و آثار خالدیہ و ترکی العبارة احکام المسافرین
ورسالہ فین دفن فی جوار ابی ایوب الانصاری و رحمانیہ من التفسیر
و منشاء و جوهات قرانیہ دن ایضا الفزا و نصایح الملوک
و فضائل رمی السهام و تحفۃ الامام و ہدیۃ الحجاج فی المناسک
و فتح الباری و احوال مدینۃ المنورہ و ترجمۃ آثار نقشبندیہ للشیخ مراد
واحد الطر بزونی و ترجمۃ الاحادیث القدسیہ و حاشیۃ الخبالی و ترجمۃ
احوال الشیخ الشاذلی و میزان الوجوهات و ترجمۃ مرآت النظارین
و ذکر المتاہلین و شرح الاظہار و تکملۃ حاشیۃ الجامی و بونلردن ماعدا
تعلیقات نفیسہ و اتمام علم نحو دن وفنون سائرہ دن آثار لری یادکار روزگاردر
جعل سعیدہ مشکورا و عملہ مبرورا

مرحوم موی الیہ عہدہ سندن محلہ اولان و عطیۃ جمعه در جامع سلطان
احمد خان مشیختی جامع سلیمانہ شینی یاریچی زاده الشیخ حافظ احمد
افندی بہ بری جامع سلطان بایزید خان شینی السید حافظ محمد مراد
افندی بہ بری جامع فاتح سلطان محمد خان شینی قوجھاری درس عام
الشیخ علی افندی بہ بری جامع نور عثمانی شینی محدث السید عمر افندی
زاده السید الشیخ محمد امین افندی بہ بری جامع سلطان سلیم خان شینی
ہدایت جامع امام اولی السید الشیخ الحاج حافظ مصطفی افندی بہ بری
جامع ابی ایوب الانصاری رضی عنہ الباری شینی شیخ فیض افندی زاده
السید الشیخ محمد رشید افندی بہ بری جامع جدید همایون در لالہ شینی
قنوی السید الشیخ خلیل افندی بہ بری جامع والدہ سلطان در استانبول
شینی کردی درس عام الشیخ سلیمان افندی بہ بری جامع شہزادہ سلطان
محمد شینی ملک خواجہ زاده السید الشیخ حافظ محمد اشرف افندی بہ بری
جامع والدہ سلطان در اسکدار شینی نصرت جامع امام اولی طرنوبلی السید

الشیخ علی افندی بہ بری جامع جدید همایون در اسکدار در قرب ایازمہ
شینی حصری زاده الشیخ سلیمان صدق افندی بہ بری جامع جدید
همایون در بکر بکی شینی درس عام الشیخ خطاط حسن افندی بہ بری
جامع والدہ سلطان در خاکسکوی شینی السید الشیخ حسین و ہی افندی بہ
بری جامع جدید سلیمہ در اسکدار شینی الحاج عبدہ افندی زاده الشیخ
حافظ محمد امین افندی بہ بری جامع جدید همایون ہدایت در نزد باب بانچہ
شینی قاضی الشیخ محمد افندی بہ بری جامع جدید همایون عدلیہ در سرای
شمسی پاشا در اسکدار شینی انقرہوی الشیخ محمد افندی بہ بری جامع جدید
همایون نصرت شینی راغب پاشا حافظ کتب مدرسی الشیخ محمد راشد
افندی بہ بری جامع جدید همایون توفیقہ شینی طر بزونی الشیخ علی
افندی بہ بری جامع جدید همایون مکتب حر بیہ در قرب بشکطاش شینی
نوشہری السید الشیخ احمد افندی بہ بری کچن شهر ربيع الاخرک اون اوچینی
کونی امشایح جوامع سلاطین عظام طریقہ ذیل اولنہ رق رای چقلکی
قشلاخ همایونی جامع شریفک جمعه واعظی توجیہ بیوریلان
جامع جدید همایون نصرت امام تائیدی عبدالعزیز افندی بہ بری لدی الامتحان
اہلک و حبشی نمایان اولان زغرہ عتیقی شریف حافظ مصطفی افندی بہ
توجید اولتوب اشو جادی الاولانک یدینی کونیلہ مورخ بشقہ بشقہ رؤس
همایونلری و بریشدر

مواد عسکرہ

جناب ترتیب فرمای صور اشیا تنزہ ذاتہ عن النصور بالشک والامرا شوکتلو
ہما تلو کر املو پادشاہمز پادشاہ مبدول النعم و شهنشاہ ممدوح الشیم
افندیخ حضرت ترینت عنوان جریدہ بحمد دیت و کوہرکان موفقیات اولان
وجود ہود عنایت مرصود پادشاہانہ لرینی زیور آرای ارتک تشدرستی
وعاقبت و کمال سرور و انبساط الیہ الی یوم القیام رونق پیرای اورنک
شہنشاہی و خلافت و لوحۃ قلب الہام جلب خلافتیہا لیرین نگارخانہ
تصاویر بہجت و مسرت بیوروب دائما سایۃ طوبی وایۃ خسروانہ لرین
ظل افکن مفارق عباد و بیت الشرف خواہندگان عدل و داد بیورسون
آمین ہر بار نخبۃ افکار و تصورات جہانبا نیلری تلطیف بندکان صداقت
عنوان و رغبت و تشویق عسا کر نصرت نشا نلری امرینہ مصروف
و ہم مکارم توأم تاجدار بلری ہمہ آن رسوم معالیزوم جنود پروری
و نوازش کستری بہ معطوف و محصر بیوریلہ رق دعای دوام عمر و شوکت
شاهانہ و قوام شای برو رافت خسروانہ لری ایفا سیلہ کافۃ بندکان
صداقت نشانلری مواظب و مشکرا اولوب نکتہ آموز عقل کل اولان مسائل
بحستہ محائل لطف و عاطفت جہانبا نیلرین تصویر و عنایت سابقہ و لاحقہ
خدا یکانیلرین بو وجہلہ دخی تقریر بیورمق ضمیمہ کچن سنہ مبارکدہ
مجمعدہ کائن مکتب علوم حر بیہ شاہانہ بہ واشو سنہ عمیۃ المینہ شہر
ربیع الاولندہ رامیہ واقع قشلاق همایونہ وینہ ماہ مذکورده سلیمہ بہ
کائن قشلاق والیہ عنایت و احسان بیوریلان تصویر مہابتوفیر جناب
پادشاہی مثل لوبک اوغلی نام موقعدہ کائن طویچی قشلاق همایونہ دخی
چشم مباہات بندکان صداقت عنوانلری قرر بیورلق ارادہ کرامتعاہدہ سیلہ
برقطہ تصویر معالی نظیر جناب پادشاہی عنایت و احسان بیوریلہ جنی
مشیر طو بخانہ عامرہ دوللو خلیل رفعت پاشا حضرت نرینہ تبشیر وایما
و شہر ربيع الاخرک بکری برینی بچشہ کونی ارسالی نصیحتات علیہ
اقتضاسندن ایدوکی امر و فرمان بیورلمش ایدوکنہ مبنی صورت امر و فرمان
حضرت ملوکانہ طرف والای حضرت سر عسکری بہ و داماد ثانی جناب
جہانبا نی دوللو سعید پاشا حضرت نرینہ اشعار وانب و تشریف لری خصوص
استدعا قلمش و امر اوضا بطن عسا کر منصورہ شاہانہ و طو بخانہ
عامرہ و خیرہ خانہ معمرہ عسا کر منصورہ سی ضابطانک یوم مذکورده
علی البحر طو بانچہ ساحہ سی نزدندہ کائن تفنکخانہ پیشکامندہ موجود
بولملری التماس اولمش و ترسانہ عامرہ سنجاق بکری و عسا کر
بحر بہ ضابطانک کلری قہودان دریا قائمقامی دوللو مشر پاشا حضرت نلری

طرفند کند و در افاده یورش اولدیغدن ضابطان موی الیم سهری
نشان دیشان و صرمه لو آفر البسه رسمیه واپوالمزله کاش و عساکر متظمه
بحر به دن نام بر طابور دخی نورسم سجاقلی صندالار الیه رسم حسن واسلوب
مستحسن بحریه اوزره بر صروده تفکیکخانه مذکور قیلمده واقع اسکله دن
یکوراش و مراسم استقبال والقبشک اجرایی ضمنده عساکر خاصه
شاهانه نک ایکی طابوری وارالنده طوپی برنجی الای طو پلرندن الی قطعه
طوب و مکمل الای موز بقدر لیه کوش صوبی نام موقعده و عساکر بحری به دن
دخی بر طابور نام موز بقدر لیه محل مذکورده و عساکر خاصه شاهانه نک
چاوشلریله و سطلرنده کذلک طوپی پیاده برنجی الای طو پلرندن اون ایکی
قطعه طوب و موز بقدر لیه عساکر منصوره نک یکرمی الای طوله باغچه
پیشگاهندن چفته ساقزل تعمیر اولنان محل واریجه و عساکر منصوره
خیرالدین پاشا اواسنک ایکی الای و مهمات حریره عساکر منصوره سنک
بر طابوری و سطلرنده پیاده طوپی ایکی الای طو پلرندن ایکی قطعه طوب
و نام الای موز بقدر لیه کوشک تقسیمدن قشلاق پیشگاهنده کاش صورتاز و سنه
قدر و عساکر صورت تیارلوسوار پلرندن عصمت پاشا اواسنک برنجی و ایکی
الایری کند و در مخصوص اتلو موز بقدر لیه و و سطلرنده طوپی پیاده
ایکی الای طو پلرندن اون ایکی قطعه طوب الیه ساقزاجی قرشوسنده
کاش و ستان تجارلردن نام بازار کاشک چفتایکی ساحه سنده و طوپخانه
عامره چاوشلری کوشک تقسیمدن صورتاز و سنه قدر و خیره خانه عامره دن
بر طابور مکمل موز بقدر لیه و طوپخانه عامره نک بر طابور سواری عساکری
کذلک اتلو موز بقدر لیه ایکی کوه صورتاز و سندن قشلاق همایون پیشگاهنده
قدر و عساکر خاصه شاهانه سوار پلرندن ضیا پاشا اواسنک ایکی الای
صاغ و وصول باشلرنده اوچر قطعه طوب و موز بقدر لیه مخصوص صروده و طوپخانه
عامره و خیره خانه معموره سوار پلرندن اوچ طابوریش ایکی قطعه طوب
الیه قشلاق همایونک جوانب اربعه سنده و درت قطعه طوب الیه پیشگاه
قشلاقده واقع ترلاده صف آرای مقام سلام و نگاه بیری ورود تصویر
همایون شهنشاه اسکندر غلام اوشلر و طوله باغچه دن قشلاق همایونه
و ارنجه دکن قرقر آدم فاصله الیه سواری و پیاده قره غوللری دخی وضع
و تخصیص قلمش اولدیغی حالده ترتیب الای و الیه مبادرت اولندرق سالف
الذکر امرا و ضابطان موی الیم اسلرینه را کب و خیره خانه عامره
و طوپخانه معموره الایرلن بوز نفر لازم و بوز باشی ماشیاییشرو الای
والای بهجت مناقب اواش و تصویر همایون دخی نهیته یورش اولدیغنه
مبنی احضار اولنان فیطون سنک رکابه کشیده قلمه رق معرزا محله وضع
برله بشکطش ساحه سرائ همایونک طوالم باغچه به ناظر قیوسندن اخراج
و داماد اول حضرت پادشاهی دولتو خلیل رفعت پاشا و داماد ثانی جناب
جهان بانی دولتو سعید پاشا و شیر عساکر خاصه شاهانه دولتو احمد
فوزی پاشا و چرم سجاقی متصرفی دولتو مصطفی نوری پاشا حضراتی
و رجال دولت علیه دن طوپخانه عامره ناظری عطا و قتلو الحاج صائب
افندی حضرتلری فیطون مذکورک اوکنده و بو خدمت مستلزم المفخره
مأمور یورش خواص مقر بین حضرت ملوکانه دن مابین کابینه مقنن
عطوفتو سعیدیک افندی حضرتلریله ذات حضرت سرعسکری ارقه سنده
اوله رق قشلاق همایون مذکور عزم اولنش و کمال بنده پروزی و نوازش کسری
جناب جهان بانی اقتضای اوزره ذات کروی صفات حضرت شاهانه دخی
احسان علی الاحسان اواق اوزره الای مذکورک تماشای ضمنده طوله باغچه
قصر همایونی قارشوسنده کاش مقر بین حضرت ملوکانه دن عطوفتو
عزت یک افندیق قوناقی شریفه رغبت یورش اولمغله برهنوال محرم
نظیره خورشید ضیا کسراولان تصویر عظیم نظیر ملوکانه فیطون مذکور الیه
صف بسته نظام تریا نظام اولان عساکرک ارسندن امرار و مشاهد
اولندجه اقتباس شصت سرور پیشمار و موز بقدر لیه رسم سلامی
اجرا برله پادشاهم چوق پادشاهی یاد و نذکار اولنه رق قشلاق مذکور
نقر بد مأمور الای اولان ضابطان و بیروای صداقتشان و فریق معالیه عنوان

و وزیرای مشارالیم حضراتی اسلرندن نزول و تکرار تصویر همایونی استقبال
و فیطون مذکور محله ایصال اولندقه مشیر مشارالیه دولتو خلیل رفعت پاشا
حضرتلری تصویر عالی مذکورک کمال تعظیم و تکریم الیه اخذ و درون
قشلاقده اغراستوفه و شالی الیه مزین و رنگارنگ پرده الیه معنون تنظیم قلمشان
جای معلایه وضع و توشیح و استحضار اولنان قرابین متعدد تزییح اولنش
و بو عنایت جلیله حضرت شهنشاهی سرمایه مباحات و مفخرت عدا اولندرق
طریق سنبلیددن فندقلیده کاش غنوده مرقد معطر کشتی جعفر افندی
خانقاه فیض آکنده پوسن نشین ارشاد و رفقای توفیق و استعداد اولان
اصدقای داعیان دولت علیه دن شیخ یونس افندی دست برداشته درگاه
جناب رب العباد اوله رق تمادی ایام عمر و شوکت حضرت شهنشاهی
و منصوره عساکر نصرت مآثر پادشاهی ادعیه مستجابیه سنی تعیرات بدیهه الیه
ایصال بارگاه جناب کبریا و بالمله حضار امین کویای دعا اوله رق در حال
یکرمی بر پاره طوب انداخت قلمه رق مراسم تعظیم و تکریم مبادرت قلمش
و بر مقدار ارادن صکره موجود اولان عساکر و طوپلره اشارت و قوماند
اولنه رق نوبت آتش اصوله مباحثرت و یارم ساعتدن صکره تکرار
نوبت آتش ایفا اولنش و بعده عساکر مر قومه طاق طاق قشلاق همایونه
جلب و مشیر مشارالیه حضرتلری قیام اوزره اولدیغی حالده تصویر عالی
مذکور پیشگاهندن امرار ایستدیر لیه رک و امر قوندانی سواری طوپی میرالای
حاجی علی یک بلند اواز الیه اجرا ایدرک شرف عالمهای تماشایله استحصال
سرور بی قیاس ولی نعمتینک کند و درینه بو وجهله دخی صورتمای
مرآت بروز اولان لطف و عاطفت ملوکانه سنک ایضای تحدید و تشریح
موجب اوله جق خدمانه مظهر یتلری تماشایله بلوک بلوک پادشاهم چوق پیش
دعاشی براغزدن اواز بلند الیه طاق نه رواق کرد و نه مماس ایستلرد
یوم مذکور احشامی قشلاق مذکورک جوانب اربعه سی قادیل کثیره الیه
تزیین و انواع صنایع آتشبازی و فشک اندازی اجرا سلیله ساحه قشلاق
مذکور نمونه نمای سپهر برین و طوپی عساکری بو یوزدن دخی کمال سرور
و ابتهاج رهین قلمشدر

❀ فنون ❀

اهم طراز دینی و اعظم شعار اسلامیه دن اولان سنت سنیه ختاک کافه
احکام و کیفیات حای و حقوق مولود و فوائد ساره لازمه و مسائل
مخصوصه مهمه بی محتوی اولدیغی وجهله سور همایون ختان انشایی
قارصی خواجه محمد افندی زاده جمال الدین افندی ترک العباره مختصر و مفید
اوله رق کتب معتبره دن تلفیق و تألیف و حضور شاهانه به تقدیم ایلمدیگی رساله
مقبوله نک طبع و نشر الیه انتفاعی خصوصه اراده کرامتاده ملوکانه تعلیق
ایتمکله تقویم وقایع مطبوعه سنده طبع و تمثیل و تجلید و انوب مصارف
ضروریه سی اقتضای سلیله بهری اوچر غروش معتدل بها الیه طبعخانه
عامره ده فروخت اولمغده و یارس اطبا سندن شومل نام طبیب خاذق
فن جلیل طبدن تألیفی اولوب فضیلتو خواجه الحاج عبدالرحیم افندی
مخدومی طبعخانه عامره باش خواجه سی مدرسین کرامدن عثمان صائب
افندی ترکجه ایلمدیگی مباحث امرای نام کاب هرکس حقهده منفعتی
بی ارباب اولمغله کذلک طبع و نشر الیه انتفاع اولنسی موجب اراده سنیه دن
اولمغله طبعخانه عامره ده طبع و تمثیل و تجلیدی رسیده ختام اولوب بهری سکرر
غروش معتدل فی الیه صالمقده ایدوکی و بوز اون برنجی دفعه
رقبله طبع اولنان تقویم وقایعدن بوز اتوز اوچنجی تقویم وقایعنه
دکین مواد شروعتک بشنی سنه سی اوله رق بر سنه لک مواد دن
عبارت اولمغله بوندن مقدم ترتیب و طبع اولنوب طبعخانه ده فروخت اولدیغی
مثلا و اشبو مدته دخی ظهوره کلان وقایعه تسهیل مطالعه ایچون بر قطعه
فهرست ترتیب برله طبع و مصارف مستقلا سی اقتضای سلیله بهری بهرینه ایکیش
غروش فی وضع اولدیغی و شرارسته طالب اولنرک طبعخانه عامره دن
اشتراری اخطار اولمشدر

اشبو تقویم وقایع شروعتک بشنی سنه سی ابتدا کی تقویم وقایعیدر